

Un' Idea

Aghju vistu, erimane, un fullettu, hè fughjitu cum'è un frulu
in la stretta

Aghju corsu, u vulia intuppà, i fulletti ùn si lascianu piglià
!

Aghju vistu eri sera un mazzeru, era goffu, era malu, un
addisperu

Avia tombu un cignale, a m'hà detta, quale serà chi liccherà
la vindetta ?

Un' idea, un' idea, un' idea, forse chi mi so fattu un' idea
Sti dui ghjorni, hè successa cusi, s'ellu ùn hè vera,
A vi contu, ùn vole di !

Aghju scontru sta mane una strega, a vi dicu, hè vera, ùn la
negu

A so fàccia era tutta riviglie, hè fughjita è nisunu la piglie
!

Aghju scontru sta sera una fata, una pelle di mele
inzuccherata

Vicin'à la vadina à l'inghjo, m'ungu è mi sfungu à quant'ellu
si po !

Un' idea, un' idea, un' idea, forse chi mi so fattu un' idea
Sti dui ghjorni, hè successa cusi, s'ellu ùn hè vera,
A vi contu, ùn vole di !

Aval'avà aghju scontru una Dea, un bel'fiore, una rosula altea
M'hà sfiuratu, un odor' di cannella, un tesoru, un deliziu,
una Stella !

Un' idea, un' idea, un' idea, forse chi mi so fattu un' idea
Sti dui ghjorni, hè successa cusi, s'ellu ùn hè vera,
A vi contu, ùn vole di !